

Psalmi Graduales.

Dicuntur in Quadragesima Feria quarta cujuslibet hebdomadae, non impedita aliquo Festo novem Lectionum: in Choro ante Matutinum diei: extra Chorum pro opportunitate temporis.

Primi quinque Psalmi dicuntur sine Glória Patri, sed in fine ultimi dicitur Réquiem aeternam.

Incipiuntur absolute sine Añã Psalmi. Ad Dóminum cum tribulárer. 147. Levávi óculos. 147. Lætátus sum. 150. Ad te levávi. 150. Nisi quia Dóminus. 151.

Réquiem aeternam.

Deinde dicitur flexis genibus. Pater noster. secreto.

V. Et ne nos indúcas in tentatióem. **R.** Sed libera nos a malo.

V. A porta ínferi. **R.** Erue Dómine ánimas eórum.

V. Requíescant in pace. **R.** Amen.

V. Dómine exáudi oratióem meam. **R.** Et clamor meus ad te véniat.

V. Dóminus vobiscum.

R. Et cum spírítu tuo. Orémus.

Absólve, quæsumus Dómine, ánimas famulórum famularúmque tuá-

rum, et ómnium fidélium defunctórum, ab omni vínculo delictórum: ut in resurrectiósni glória inter sanctos et eléctos tuos resuscitati respírent. Per Christum Dóminum nostrum. **R.** Amen.

Post Oratióem statim dicuntur alii Psalmi Graduales, qui sequuntur: et in fine cujuslibet Psalmi dicitur Glória Patri.

Psalmi. Qui confidunt in Dómino. 151. In converténdó. 151. Nisi Dóminus. 152. Beáti omnes. 153. Sæpe expugnáverunt. 153.

Postea dic. flexis genibus Kyrie eléison. Christe eléison. Kyrie eléison.

Pater noster. secreto.

V. Et ne nos indúcas in tentatióem. **R.** Sed libera nos a malo.

V. Meménto congregatióis tuæ. **R.** Quam poscedisti ab initio.

V. Dómine exáudi.

V. Dóminus vobiscum.

Orémus. **Oratio.**

Deus, cui próprium est miseréri semper et párcere: súscipe deprecatióem nostram; ut nos, et omnes fámulos tuos, quos delictórum caténa constríngit, miserátio tuæ

SEPTEM PSALMI PENITENTIALES. [249]

pietátis cleménter absolvat. Per Christum Dóminum nostrum. **R.** Amen.

Post Oratióem statim dicuntur alii Psalmi Graduales, qui sequuntur: et in fine cujuslibet Psalmi dicitur Glória Patri.

Psalmi. De profúndis clamávi. 153. Dómine non est. 154. Meménto Dómine David. 155. Ecce quam bonum. 155. Ecce nunc benedicite. 172.

Deinde dic. flexis genibus. Kyrie eléison. Christe eléison. Kyrie eléison.

Pater noster. secreto.

V. Et ne nos indúcas in tentatióem. **R.** Sed libera nos a malo.

V. Salvos fac servos tuos. **R.** Deus meus sperántes in te.

V. Dómine exáudi.

V. Dóminus vobiscum.

Orémus. **Oratio.**

Præténde Dómine fámulis et famulábuis tuis déxteram cœléstis auxilií: ut te toto corde perquírant, et quæ digne póstulant, cónsequi mereántur. Per Christum Dóminum nostrum.

R. Amen.

Septem Psalmi Penitentiales.

Dicuntur flexis genibus in omnibus sextis Feriis Quadrage. quando Offic. fit de Feria. Litaníæ autem, omissis septem Psalmis, dicuntur in Litaníis majoribus in Festo S. Marci, et in tribus diebus Rogationum.

Dicuntur autem in Quadragesima in Choro post Matutinum et Laudes diei, dicto Benedicámus Dómino. extra Chorum pro opportunitate temporis.

Añã. Ne reminiscáris.

Psalmus vij.

Domine, ne in furóre tuo árguas me, * neque in ira tua corrípias me.

Miserére mei Dómine quóniam infirmus sum: * sana me Dómine quóniam conturbáta sunt ossa mea.

Et ánima mea turbáta est valde: * sed tu Dómine úsquequo?

Convertere Dómine, et éripe ánimam meam: * salvum me fac propter misericórdiam tuam.

Quóniam non est in mor-

te qui memor sit tui : *
in inférno autem quis confitébitur tibi?

Laborávi in gémitu meo,
lavábo per singulas noctes
lectum meum : * lácrymis
meis stratum meum rigábo.

Turbátus est a furóre
óculus meus : * inveterávi
inter omnes inimícos meos.

Discédite a me omnes
qui operámini iniquitá-
tem : * quóniam exaudí-
vit Dñus vocem fletus mei.

Exaudívit Dóminus de-
precatíonem meam, * Dó-
minus oratíonem meam
suscépit.

Erubéscant, et contur-
béntur veheménter omnes
inimíci mei : * convertán-
tur et erubéscant valde
velóciter.

Glória Patri.

Psalmus xxxj.

BEáti, quorum remíssæ
sunt iniquitátes : * et
quorum tecta sunt pec-
cáta.

Beátus vir, cui non impu-
távit Dóminus peccátum, *
nec est in spiritu ejus
dolos.

Quóniam tácuí, invete-
ravérunt ossa mea, * dum
clamárem tota die.

Quóniam die ac nocte
graváta est super me ma-

nus tua : * convérsus sum
in aerúmna mea, dum con-
fígitur spina.

Delictum meum cógni-
tum tibi feci : * et injusti-
tiam meam non abscondi.

Dixi : Confitébor advér-
sum me in justítiam meam
Dómino : * et tu remisisti
impietátem peccáti mei.

Pro hac orábit ad te om-
nis sanctus, * in témpore
opportúno.

Verúm tamen in dilúvio
aquárum multárum, * ad
eum non approximábunt.

Tu es refúgium meum a
tribulatíone, quæ circum-
dedit me : * exsultátio mea
érue me a circumdántibus
me.

Intelléctum tibi dabo, et
ínstruam te in via hac,
qua gradiéris : * firmábo
super te oculos meos.

Nolíte fieri sicut equus
et mulus, * quibus non est
intelléctus.

In camo et freno maxíl-
laseórum constríngite, * qui
non appróximant ad te.

Multa flagélla peccató-
ris, * sperántem autem in
Dómino misericórdia cir-
cúmdabit.

Lætámini in Dómino et
exsultáte justí, * et gloriá-
mini omnes recti corde.

Glória Patri.

Psalmus xxxvij.

Domine ne in furóre
tuo arguas me, * ne-
que in ira tua corrípias
me.

Quóniam sagíttæ tuæ in-
fixæ sunt mihi : * et con-
firmásti super me manum
tuam.

Non est sánitas in carne
mea a fácie iræ tuæ : * non
est pax óssibus meis a
fácie peccatórum meó-
rum.

Quóniam iniquitátes meæ
supergréssæ sunt caput
meum : * et sicut onus gra-
ve gravátae sunt super me.

Putruérunt et corrúptæ
sunt cicatríces meæ, * a fá-
cie insipiéntiæ meæ.

Miser factus sum, et cur-
vátus sum usque in fi-
nem : * tota die contri-
státus ingrediébar.

Quóniam lumbi mei im-
pléti sunt illusióibus : *
et non est sánitas in carne
mea.

Afflíctus sum, et humiliá-
tus sum nimis : * rugiébam
a gémitu cordis mei.

Dómine, ante te omne
desidérium meum : * et
gémitus meus a te non est
absconditus.

Cor meum conturbátum
est, derelíquit me virtus
mea : * et lumen oculórum

meórum, et ipsum non est
mecum.

Amíci mei, et próximi
mei * advérsus me ap-
propinquavérunt, et ste-
térunt.

Et qui juxta me erant, de
longe stetérunt : * et vim
faciébant qui quærébant
ánimam meam.

Et qui inquirébant mala
mihi, locúti sunt vanitá-
tes : * et dolos tota die
meditábantur.

Ego autem tamquam
surdus non audiébam : * et
sicut mutus non apériens
os suum.

Et factus sum sicut homo
non áudiens : * et non ha-
bens in ore suo redargu-
tíones.

Quóniam in te Dómine
sperávi : * tu exáudies me
Dómine Deus meus.

Quia dixi : Nequándo su-
pergáudeant mihi inimíci
mei : * et dum commovén-
tur pedes mei, super me
magna locúti sunt.

Quóniam ego in flagélla
parátus sum : * et dolor
meus in conspéctu meo
semper.

Quóniam iniquitátem
meam annuntiábo : * et
cogitábo pro peccáto meo.

Inimíci autem mei vi-
vunt, et confirmáti sunt

super me : * et multiplicati sunt qui odérunt me inique.

Qui retríbuunt mala pro bonis, detrahébant mihi : * quóniam sequébar bonitatem.

Ne derelínquas me Dómine Deus meus : * ne discésseris a me.

Inténde in adiutorium meum, * Dómine Deus salútis meæ.

Glória Patri.

Psalmus l.

Miserere mei Deus, * secundum magnam misericórdiam tuam.

Et secundum multitudinem miserationum tuarum, * dele iniquitatem meam.

Amplius lava me ab iniquitate mea : * et a peccato meo munda me.

Quóniam iniquitatem meam ego cognosco : * et peccátum meum contra me est semper.

Tibi soli peccávi, et malum coram te feci : * ut justificéris in sermónibus tuis, et vincas cum iudicáris.

Ecce enim in iniquitatibus concéptus sum : * et in peccátis concépit me mater mea.

Ecce enim veritatem di-

lexísti : * incérta et ocúltata sapiéntiæ tuæ manifestásti mihi.

Aspérges me hyssópo, et mundábor : * lavábis me, et super nivem dealbábor.

Auditui meo dabis gáudium et lætítiam : * et exsultábunt ossa humiliáta.

Avérte fáciem tuam a peccátis meis : * et omnes iniquitátes meas dele.

Cor mundum crea in me Deus : * et spíritum rectum innova in viscéribus meis.

Ne próicias me a fácie tua : * et spíritum sanctum tuum ne áuferas a me.

Redde mihi lætítiam salutáris tui : * et spíritu princípáli confirma me.

Docébo iníquos vias tuas : * et ímpii ad te converténtur.

Líbera me de sanguinibus Deus, Deus salútis meæ : * et exsultábit lingua mea justítiam tuam.

Dómine, lábía mea apéries : * et os meum annuntiábit laudem tuam.

Quóniam si volúisses sacrificium, dedissem úti que : * holocáustis non delectáberis.

Sacrificium Deo spíritus

contribulátus : * cor contrítum, et humiliátum Deus non despícies.

Benigne fac Dómine in bona voluntáte tua Sion : * ut ædificéntur muri Jerúsalem.

Tunc acceptábis sacrificium justítiæ, oblatiónes, et holocáusta : * tunc impónent super altáre tuum vítulos.

Glória Patri.

Psalmus cj.

Domine exáudi oratiónem meam : * et clamor meus ad te véniat.

Non avértas fáciem tuam a me : * in quacúmque die tribulor, inclína ad me aurem tuam.

In quacúmque die invocávero te, * velóciter exáudi me.

Quia defecerunt sicut fumus dies mei : * et ossa mea sicut crémium aruerunt.

Percússus sum ut fœnum, et áruit cor meum : * quia oblítus sum comédere panem meum.

A voce gémitus mei * adhæsít os meum carni meæ.

Símilis factus sum pellicáno solitúdinis : * factus sum sicut nycticorax in domicilio.

Vigilávi, * et factus sum sicut passer solitárius in tecto.

Tota die exprobrábant mihi inimíci mei : * et qui laudábant me advérsus me jurábant.

Quia cinerem tamquam panem manducábam, * et potum meum cum fletu miscébam.

A fácie iræ et indignatiónis tuæ : * quia élevans allísísti me.

Dies mei sicut umbra declinavérunt : * et ego sicut fœnum áruí.

Tu autem Dómine in ætérnum pérmanes : * et memoriále tuum in generatiónem et generatiónem.

Tu exsúrgens miseréberis Sion : * quia tempus miseréndi ejus, quia venit tempus.

Quóniam placuérunt servis tuis lápidés ejus : * et terræ ejus miserébuntur.

Et timébunt Gentes nomen tuum Dómine, * et omnes reges terræ glóriam tuam.

Quia ædificávit Dóminus Sion : * et vidébitur in glória sua.

Respéxit in oratiónem humílium : * et non sprevit precem eórum.

Scribántur hæc in generatióne áltera : * et pópulus, qui creábitur, laudábit Dóminum :

Quia prospéxit de excélsso sancto suo : * Dóminus de cœlo in terram aspéxit :

Ut audíret gémitus compeditórum : * ut sólveret filios interemptórum :

Ut annúntient in Sion nomen Dómini : * et laudem ejus in Jerúsalem.

In conveniéndo pópulos in unum, * et reges ut sérviant Dómino.

Respóndit ei in via virtútis suæ : * Paucitátem diérum meórum núntia mihi.

Ne révoces me in dimídio diérum meórum : * in generatióne et generatióne anni tui.

Inítio tu Dómine terram fundásti : * et ópera mánuum tuárum sunt cœli.

Ipsi períbunt, tu autem pérmanes : * et omnes sicut vestiméntum veteráscent.

Et sicut opertórium mutábiseos, et mutabúntur : * tu autem idem ipse es, et anni tui non deficient.

Fílii servórum tuórum habitábunt : * et semen eórum in sæculum dirigétur. Glória Patri.

Psalmus cxxij.

DE profúndis clamávi ad te Dómine : * Dómine exáudi vocem meam :

Fiant aures tuæ intendétes, * in vocem deprecatiónis meæ.

Si iniquitátes observáveris Dómine : * Dómine quis sustinébit?

Quia apud te propitiátio est : * et propter legem tuam sustínui te Dómine.

Sustínuit ánima mea in verbo ejus : * sperávit ánima mea in Dómino.

A custódia matutína usque ad noctem : * speret Israel in Dómino.

Quia apud Dóminum misericórdia : * et copiósia apud eum redemptio.

Et ipse rédimet Israel, * ex ómnibus iniquitátibus ejus.

Glória Patri.

Psalmus cxxij.

Domine exáudi oratióne meam : áuribus pércipe obsecratióne meam in veritáte tua : *

exáudi me in tua justítia. Et non intres in júdicium cum servo tuo : * quia non justificábitur in conspéctu tuo omnis vivens.

Quia persecútus est inimicus ánima meam : *

Glória Patri.

humiliávit in terra vitam meam.

Collocávit me in obscuris sicut mórtuos sæculi : * et anxiátus est super me spíritus meus, in me turbátum est cor meum.

Memor fui diérum antiqúorum, meditátus sum in ómnibus opéribus tuis : * in factis mánuum tuárum meditábar.

Expánda manus meas ad te : * ánima mea sicut terra sine aqua tibi :

Velóciter exáudi me Dómine : * defécit spíritus meus.

Non avértas fáciem tuam a me : * et similis ero descendéntibus in lacum.

Audítam fac mihi mane misericórdiam tuam : * quia in te sperávi.

Notam fac mihi viam, in

qua ámbulem : * quia ad te levávi ánima meam.

Eripe me de inimicis meis Dómine, ad te confúgi : * doce me fácere voluntátem tuam, quia Deus meus es tu.

Spíritus tuus bonus dedúcet me in terram rectam : * propter nomen tuum Dómine vivificábis me, in æquitáte tua.

Edúces de tribulatióne ánima meam : * et in misericórdia tua dispédes inimicos meos.

Et perdes omnes, qui tribulant ánima meam : * quóniam ego servus tuus sum.

Añã. Ne reminiscáris Dómine delicta nostra, vel paréntum nostrórum; neque vindíctam sumas de peccátis nostris.

Litaniæ.

Yrie eléison. Christe eléison. Kyrie eléison.

Christe audi nos.

Christe exáudi nos.

Pater de cœlis Deus, Miserére nobis.

Fili Redemptor mundi Deus, miserére nobis.

Spíritus sancte Deus, miserére nobis.

Sancta Trínitas unus Deus, miserére nobis.

Sancta María, Ora pro nobis.

Sancta Dei Génitrix, ora pro nobis.

Sancta Virgo Virgínum, ora pro nobis.

Sancte Mícheal, ora.

Sancte Gábriel, ora.

Sancte Ráphael, ora.

Omnes sancti Angeli et Archángeli, oráte pro nobis.	Sancti Cosma et Damiáne, oráte pro nobis.
Omnes sancti beatórum Spirituumórdines, oráte.	Sancti Gervási et Protási, oráte pro nobis.
Sancte Joánnes Baptísta, ora pro nobis.	Omnes sancti Mártyres, oráte pro nobis.
Sancte Joseph, ora.	Sancte Silvéster, ora.
Omnes sancti Patriarchæ et Prophétæ, oráte.	Sancte Gregóri, ora.
Sancte Petre, ora.	Sancte Ambrósi, ora.
Sancte Paule, ora.	Sancte Augustíne, ora.
Sancte Andréa, ora.	Sancte Hierónyme, ora.
Sancte Jacóbe, ora.	Sancte Martíne, ora.
Sancte Joánnes, ora.	Sancte Nicoláe, ora.
Sancte Thoma, ora.	Omnes sancti Pontífices et Confessóres, oráte.
Sancte Jacóbe, ora.	Omnes sancti Doctóres, oráte pro nobis.
Sancte Philíppe, ora.	Sancte Antóni, ora.
Sancte Bartholomæe, ora.	Sancte Benedicte, ora.
Sancte Matthæe, ora.	Sancte Bernárde, ora.
Sancte Simon, ora.	Sancte Domínice, ora.
Sancte Thaddæe, ora.	Sancte Francisce, ora.
Sancte Mathía, ora.	Omnes sancti Sacerdótes et Levitæ, oráte.
Sancte Bárnaba, ora.	Omnes sancti Mónachi et Eremitæ, oráte.
Sancte Luca, ora.	Sancta María Magdaléna, ora pro nobis.
Sancte Marce, ora.	Sancta Agatha, ora.
Omnes sancti Apóstoli et Evangelístæ, oráte.	Sancta Lúcia, ora.
Omnes sancti Discípuli Dómini, oráte pro nobis.	Sancta Agnes, ora.
Omnes sancti Innocétes, oráte pro nobis.	Sancta Cæcília, ora.
Sancte Stéphane, ora.	Sancta Catharina, ora.
Sancte Lauréti, ora.	Sancta Anastásia, ora.
Sancte Vincéti, ora.	Omnes sanctæ Virgines et Víduæ, oráte pro nobis.
Sancti Fabiáne et Sebastíane, oráte pro nobis.	Omnes Sancti et Sanctæ Dei, Intercédite pro nobis.
Sancti Joánnes et Paule, oráte pro nobis.	

Propítius esto, Parce nobis Dómine.	Per advéntum Spíritus sancti Parácliti, líbera nos Dómine.
Propítius esto, Exáudi nos Dómine.	In die judícii, líbera.
Ab omni malo, líbera.	Peccatóres, Te rogámus audi nos.
Ab omni peccáto, líbera.	Ut nobis parcas, te rogámus audi nos.
Ab ira tua, líbera.	Ut nobis indúlgeas, te rogámus audi nos.
A subitánea et improvisa morte, líbera.	Ut ad veram pœniténtiam nos perdúcere dignéris, te rogámus audi nos.
Ab insídiis diabóli, líbera.	Ut Ecclesiám tuam sanctam régere et conserváre dignéris, te rogámus audi nos.
Ab ira, et ódio, et omni mala voluntáte, líbera.	Ut domnum apostólicum et omnes ecclesiásticos órdines in sancta religióne conserváre dignéris, te rogámus audi nos.
A spírítu fornicatiónis, líbera nos Dómine.	Ut inimicos sanctæ Ecclesiæ humiliáre dignéris, te rogámus audi nos.
A fúlgure et tempestáte, líbera nos Dómine.	Ut régibus et princípibus christiánis pacem et veram concórdiam donáre dignéris, te rogámus.
A flagélló terræmótus, líbera nos Dómine.	Ut cuncto pópulo christiáno pacem et unitátem largíri dignéris, te rogámus audi nos.
A peste, fame et bello, líbera nos Dómine.	Ut nosmetípsos in tuo sancto servítio confortáre et conserváre dignéris, te rogámus audi nos.
A morte perpétua, líbera.	Ut mentes nostras ad cœ-
Per mystérium sanctæ incarnationis tuæ, líbera nos Dómine.	
Per advéntum tuum, líbera nos Dómine.	
Per nativitátem tuam, líbera nos Dómine.	
Per baptismum, et sanctum jejúnium tuum, líbera nos Dómine.	
Per crucem et passiónem tuam, líbera.	
Per mortem et sepultúram tuam, líbera.	
Per sanctam resurrectiónem tuam, líbera.	
Per admirábilem ascensiónem tuam, líbera.	

léstia desidéria érigas,
te rogámus audi nos.
Ut ómnibus benefactóri-
bus nostris sempitérna
bona retríbuas, te ro-
gámus audi nos.
Ut ánimas nostras, fra-
trum, propinquórum et
benefactórum nostró-
rum ab æténa damna-
tióne erípias, te rogá-
mus audi nos.
Ut fructus terræ dare et
conserváre dignéris, te
rogámus audi nos.
Ut ómnibus fidélibus de-
fúntis réquiem ætér-
nam donáre dignéris, te
rogámus audi nos.
Ut nos exaudíre dignéris,
te rogámus audi nos.
Fili Dei, te rogámus.
Agnus Dei, qui tollis pec-
cáta mundi, Parce nobis
Dómine.
Agnus Dei, qui tollis pec-
cáta mundi, Exáudi nos
Dómine.
Agnus Dei, qui tollis pec-
cáta mundi, Miserére
nobis.
Christe audi nos. Christe
exáudi nos.
Kyrie eléison. Christe
eléison. Kyrie eléison.
Pater noster. *secreto.*
¶ Et ne nos indúcas in
tentatiónem. *R.* Sed líbe-
ra nos a malo.

Psalmus lxxv.

DEus in adjutórium
meum inténde: * Dó-
mine ad adjuvándum me
festína.

Confundántur, et reve-
reántur, * qui quærun-
t ánimam meam:

Avertántur retrórsim,
et erubéscant, * qui vo-
lunt mihi mala:

Avertántur statim eru-
bescétes, * qui dicunt
mihi: Euge, euge.

Exsúltent et læténtur
in te omnes qui quæ-
runt te, * et dicant sem-
per: Magnificétur Dómi-
nus: qui díligunt salutáre
tuum.

Ego vero egénus, et
pauper sum: * Deus ad-
juva me.

Adjútor meus, et liberá-
tor meus es tu: * Dómine
ne moréris.

Glória Patri. Sicut erat.

¶ Salvos fac servos tuos.

R. Deus meus sperántes
in te.

¶ Esto nobis Dómine
turris fortitúdinis. *R.* A
fácie inimíci.

¶ Nihil proficiat inimí-
cus in nobis. *R.* Et fílius
iniquitátis non appónat
nocére nobis.

¶ Dómine non secúndum
peccáta nostra fácias no-

bis. *R.* Neque secúndum
iniquitátes nostras retrí-
buas nobis.

¶ Orémus pro Pontífice
nostro *N. R.* Dóminus
consérvet eum, et vivíficet
eum, et beátum fáciat eum
in terra, et non tradat
eum in ánimam inimicó-
rum ejus.

¶ Orémus pro benefa-
ctóribus nostris. *R.* Retri-
búere dignáre Dómine
ómnibus nobis bona fa-
ciéntibus propter nomen
tuum vitam ætérnam.
Amen.

¶ Orémus pro fidélibus
defúntis. *R.* Réquiem
ætérnam dona eis Dómi-
ne, et lux perpétua lúceat
eis.

¶ Requiéscant in pace.
R. Amen.

¶ Pro frátribus nostris
abséntibus. *R.* Salvos fac
servos tuos, Deus meus
sperántes in te.

¶ Mitte eis Dómine au-
xilíum de sancto. *R.* Et
de Sion tuére eos.

¶ Dómine exáudi.

¶ Dóminus vobíscum.
Orémus. *Oratio.*

DEus, cui próprium est
miseréri semper et
párcere: súscipe depreca-
tiónem nostram; ut nos, et
omnes fámulos tuos, quos

delictórum caténa con-
stringit, miserátio tuæ pie-
tátis cleménter absólvat.

EXáudi, quæsumus Dó-
mine, súpplicum pre-
ces, et confiténtium tibi
parce peccátis: ut páriter
nobis indulgéntiam trí-
bus benignus et pacem.

INeffáblem nobis, Dó-
mine, misericórdiam
tuam cleménter osténde:
ut simul nos et a peccátis
ómnibus éxuas, et a pœ-
nis, quas pro his merémur,
erípias.

DEus, qui culpa offén-
deris, pœniténtia pla-
cáris: preces pópuli tui
súpplicántis propítius ré-
spice; et flagélla tuæ ira-
cúndiæ, quæ pro peccátis
nostris merémur, avérte.

OMnípotens sempitér-
ne Deus, miserére
fámulo tuo Pontífici no-
stro *N.* et dírige eum se-
cúndum tuam cleméntiam
in viam salutis ætérnæ:
ut te donánte tibi plácita
cúpiat, et tota virtúte per-
ficiat.

DEus, a quo sancta de-
sidéria, recta consília,
et justa sunt ópera: da
servis tuis illam, quam
mundus dare non potest,
pacem; ut et corda nostra
mandátis tuis dédita, et

hóstiū sublata formidine, tēpora sint tua protectionē tranquilla.

URE igne sancti Spiritus renes nostros, et cor nostrum Dómine : ut tibi casto corpore serviámus, et mundo corde placeámus.

Fidélium Deus ómnium Cónditor et Redēptor, animábus famulórum famularúmque tuárum remissionem cunctórum tríbe peccatórum : ut indulgētiā, quam semper optavérunt, piis supplicatióibus consequántur.

Actiões nostras, quæsumus Dómine, aspirādo præveni, et adjuvādo proséquere : ut cuncta nostra oratio et operatio a te semper incípiat, et per te cœpta finiátur.

OMnipotens sempiternē Deus, qui vivórum domináris simul et mortuórum, omniúmque miseréris, quos tuos fide et ópere futúros esse præno-scis : te súpplices exorámus : ut pro quibus effúndere preces decrévimus, quosque vel præsens sæculum adhuc in carne rétinēt, vel futúrum jam exútos corpore suscepit, intercedéntibus ómnibus Sanctis tuis, pietátis tuæ clemētia, ómnium delictórum suórum véniam consequántur. Per Dóminum.

℟. Dóminus vobiscum.

℟. Exáudiat nos omnipotens et miséricors Dóminus. ℞. Amen.

℟. Et Fidélium animæ per misericórdiam Dei requiescant in pace. ℞. Amen.

Ordo Commendationis Animæ.

Primum dicuntur Litanie breves in hunc modum.

Kyrīe eléison. Christe eléison. Kyrīe eléison.

Sancta María, Ora pro eo.
Omnes sancti Angeli et Archángeli, oráte pro eo.

Sancte Abel, ora pro eo.
Omnis chorus justórum, ora pro eo.

Sancte Abraham, ora.
Sancte Joánes Baptista, ora pro eo.

Sancte Joseph, ora pro eo.
Omnes sancti Patriárchæ et Prophétæ, oráte.

Sancte Petre, ora pro eo.

Sancte Paule, ora.

Sancte Andréa, ora.

Sancte Joánes, ora.

Omnes sancti Apóstoli et

Evangelístæ, oráte.

Omnes sancti Discípuli

Dómini, oráte pro eo.

Omnes sancti Innocētes,

oráte pro eo.

Sancte Stéphane, ora.

Sancte Lauréti, ora.

Omnes sancti Mártyres,

oráte pro eo.

Sancte Silvéster, ora.

Sancte Gregóri, ora.

Sancte Augustine, ora.

Omnes sancti Pontífices et

Confessóres, oráte.

Sancte Benedicte, ora.

Sancte Francisce, ora.

Sancte Camille, ora.

Sancte Joánes de Deo,

ora pro eo.

Omnes sancti Mónachi et

Eremíta, oráte.

Sancta María Magdaléna,

ora pro eo.

Sancta Lúcia, ora.

Omnes sanctæ Vírgines et

Viduæ, oráte pro eo.

Omnes Sancti et Sanctæ

Dei, Intercédite pro eo.

Propítius esto, Parce ei

Dómine.

Propítius esto, Líbera eum

Dómine.

Propítius esto, líbera.

Ab ira tua, líbera.

A perículo mortis, líbera.

A mala morte, líbera.

A pœnis inférni, líbera.

Ab omni malo, líbera.

A potestáte diaboli, líbera.

Per nativitátem tuam, lí-

bera eum Dómine,

Per crucem et passiónem

tuam, líbera.

Per mortem et sepultúram

tuam, líbera.

Per gloriósam resurrectiõ-

nem tuam, líbera.

Per admirábilem ascen-

siónem tuam, líbera.

Per grátiam Spiritus san-

cti Parácliti, líbera.

In die iudicii, líbera.

Peccatóres, Te rogámus

audi nos.

Ut ei parcas, te rogámus

audi nos.

Kyrīe eléison. Christe eléi-

son. Kyrīe eléison.

Deinde cum in agone sui

exitus anima anxiatur, di-

cantur sequentes Oratio-

nes.

Oratio.

Proficiscere ánima

christiána de hoc

mundo, in nómine Dei Pa-

tris omnipoténtis, qui te

creávit : in nómine Jesu

Christi Fílii Dei vivi, qui

pro te passus est : in nó-

mine Spíritus sancti, qui

in te effúsus est : in nó-

mine Angelórum et Ar-

changelórum : in nómine Thronórum et Dominationum : in nómine Principátuum et Potestátum : in nómine Chérubim et Séraphim : in nómine Patriarchárum et Prophetárum : in nómine sanctorum Apostolorum et Evangelistarum : in nómine sanctorum Mártyrum et Confessorum : in nómine sanctorum Monachorum et Eremitarum : in nómine sanctarum Virginum, et omnium Sanctorum et Sanctarum Dei : hodie sit in pace locus tuus, et habitatio tua in sancta Sion. Per eundem Christum Dóminum nostrum.

℟. Amen.

Oratio.

Deus misericors, Deus clemens, Deus, qui secundum multitudinem miserationum tuarum peccata penitentium deles, et præteritorum criminum culpas venia remissionis evacuas : respice propitius super hunc famulum tuum **N.** et remissionem omnium peccatorum suorum tota cordis confessione poscentem deprecatus exaudi. Rénova in eo, piissime Pater, quicquid terræna fragilitate corruptum, vel

quicquid diabólica fraude violatum est : et unitati corporis Ecclesiæ membrum redemptionis annecte. Misere Dómine gemituum, misere lacrymarum ejus : et non habentem fiduciam, nisi in tua misericordia, ad tuæ sacramentum reconciliationis admittite. Per Christum Dóminum nostrum.

℟. Amen.

Commendo te omnipotenti Deo, carissime frater, et ei, cujus es creatura, committo : ut cum humanitatis debitum morte interveniente persolveris, ad auctorem tuum, qui te de limo terræ formaverat, revertaris. Egre diēti itaque animæ tuæ de corpore splendidus Angelorum cœtus occurrat : iudex Apostolorum tibi senatus advēniat : candidatorum tibi Mártyrum triumphator exercitus obviet : liliata rutilantium te Confessorum turma circumdet : jubilantium te Virginum chorus excipiat : et beatæ quietis in sinu Patriarcharum te complexus astringat : mitis atque festivus Christi Jesu tibi aspectus appareat, qui te inter as-

sistentes sibi jūgiter interesse decernat. Ignosce omne quod horret in tenebris, quod stridet in flammis, quod cruciat in tormentis. Cedat tibi teterrimus sátanus cum satellitibus suis : in advēntu tuo te comitantibus Angelis contremiscat, atque in æternæ noctis chaos immane diffugiat. Exsurgat Deus, et dissipentur inimici ejus : et fugiant qui odērunt eum a facie ejus. Sicut deficit fumus, deficient : sicut fluit cera a facie ignis, sic pereant peccatores a facie Dei : et justi epulentur, et exsultent in conspectu Dei. Confundantur igitur et erubescant omnes tartaræ legiones, et ministri sátanæ iter tuum impedire non audeant. Liberet te a cruciatu Christus, qui pro te crucifixus est. Liberet te ab æterna morte Christus, qui pro te mori dignatus est. Constituat te Christus Fílius Dei vivi intra paradisi sui semper amœna virētia, et inter oves suas te verus ille Pastor agnoscat. Ille ab omnibus peccatis tuis te absolvat, atque ad dexteram suam in electorum suorum

te sorte constituat. Redemptorem tuum facie ad faciem videas, et præsens semper assistens, manifestissimam beatis oculis aspicias veritatem. Constitutus igitur inter agmina beatorum, contemplationis divinæ dulcedine potiāris in sæcula sæculorum. ℟. Amen.

Oratio.

Suscipe Dómine servum tuum in locum sperandæ sibi salvariōnis a misericordia tua.

℟. Amen.

Libera Dómine animam servi tui ex omnibus periculis inférni, et de laqueis poenarum, et ex omnibus tribulationibus.

℟. Amen.

Libera Dómine animam servi tui, sicut liberasti Henoch et Eliam de comúnī morte mundi.

℟. Amen.

Libera Dómine animam servi tui, sicut liberasti Noe de dilúvio. ℟. Amen.

Libera Dómine animam servi tui, sicut liberasti Abraham de Ur Chaldæorum. ℟. Amen.

Libera Dómine animam servi tui, sicut liberasti Job de passionibus suis.

℟. Amen.

Líbera Dómine ánimam servi tui, sicut liberásti Isaac de hóstia, et de manu patris sui Abrahæ.

℞. Amen.

Líbera Dómine ánimam servi tui, sicut liberásti Lot de Sódomis, et de flamma ignis.

℞. Amen.

Líbera Dómine ánimam servi tui, sicut liberásti Móysen de manu Pharaónis regis Ægyptiórum.

℞. Amen.

Líbera Dómine ánimam servi tui, sicut liberásti Daniélem de lacu leónum.

℞. Amen.

Líbera Dómine ánimam servi tui, sicut liberásti tres púeros de camíno ignis ardéntis, et de manu regis iníqui.

℞. Amen.

Líbera Dómine ánimam servi tui, sicut liberásti Susánnam de falso crimine.

℞. Amen.

Líbera Dómine ánimam servi tui, sicut liberásti David de manu regis Saul, et de manu Golíæ.

℞. Amen.

Líbera Dómine ánimam servi tui, sicut liberásti

Petrum et Paulum de cárceribus.

℞. Amen.

Et sicut beatíssimam Theclam Vírginem et Mártýrem tuam de tribus atrocíssimis torméntis liberásti, sic liberáre dignéris ánimam hujus servi tui, et tecum fácias in bonis congaudére cœlestibus. ℞. Amen.

Oratio.

Commendámus tibi Dómine ánimam fámuli tui **N.** precamúrque te Dómine Jesu Christe Salvátor mundi, ut propter quam ad terram misericórditer descendísti, Patriarchárum tuórum sínibus insinuáre non rénuas. Agnósce Dómine creatúram tuam, non a diis aliénnis creatam, sed a te solo Deo vivo et vero : quia non est álius Deus præter te, et non est secúndum ópera tua. Lætífica Dómine ánimam ejus in conspéctu tuo, et ne meméris iniquitátum ejus antiquárum, et ebrietátum, quas suscitávit furor sive fervor mali desidérii. Licet enim peccáverit, tamen Patrem, et Fílium, et Spíritum sanctum non negá-

vit, sed crédidit; et zelum Dei in se hábuit, et Deum, qui fecit ómnia, fidéliter adorávit.

Oratio.

Delicta juventútis, et Ignorántias ejus, quæsumus, ne memíneris Dómine : sed secúndum magnam misericórdiam tuam memor esto illius in glória claritátis tuæ. Aperiántur ei cœli, collæténtur illi Angeli. In regnum tuum Dómine servum tuum súscipe. Suscípiat eum sanctus Michael Archángelus Dei, qui militiæ cœlestis mérui principátum. Véniant illi óbviæ sancti Angeli Dei, et perducant eum in civitátem cœlestem Jerúsalem. Suscípiat eum beátus Petrus Apóstolus, cui a Deo claves regni cœlestis tráditæ sunt. Adjuvet eum sanctus Paulus Apóstolus, qui dignus fuit esse vas electiónis. Intercédant pro eo sanctus Joánnes eléctus Dei Apóstolus, cui reveláta sunt secréta cœlestia. Orent pro eo omnes sancti Apóstoli, quibus a Dómino data est potéstas ligándi atque solvéndi. Intercédant pro eo omnes sancti et elécti Dei, qui pro

Christi nómine torménta in hoc sæculo sustinuerunt : ut vínculis carnis exútus, perveníre mereátur ad glóriam regni cœlestis, præstante Dómino nostro Jesu Christo. Qui cum Patre et Spíritu sancto vivit et regnat in sæcula sæculórum. ℞. Amen.

Si anxiatur adhuc anima, dicuntur hi Psalmi, videlicet. Confitémini Dómino. 26. et totus Ps. Beáti immaculáti. per Horas distributus. 27.

Egressa autem anima, dicitur hoc ℞. Subvenite Sancti Dei, occurrite Angeli Dómini : * Suscipientes ánimam ejus : * Offerentes eam in conspéctu Altíssimi. ℞. Suscípiat te Christus qui vocávit te, et in sinum Abrahæ Angeli dedúcant te. — Suscipientes. ℞. Réquiem ætérnam dona ei Dómine : et lux perpétua lúceat ei. — Offerentes.

Deinde Kyrie eléison. Christe eléison. Kyrie eléison.

Postea Pater noster. secreto.

℞. Et ne nos indúcas in tentatiónem. ℞. Sed libera nos a malo.

℞. Réquiem ætérnam

dona ei Dómine. **R.** Et lux perpétua lúceat ei.

V. A porta inferi. **R.** Erue Dómine ánimam ejus.

V. Requíescat in pace. **R.** Amen.

V. Dómine exáudi oratióem meam. **R.** Et clamor meus ad te véniat.

V. Dóminus vobíscum. **R.** Et cum spírítu tuo.

Orémus. **Oratio.**

Tibi Dómine commendámus ánimam fámulí tui **N.** ut defúnctus sæculo tibi vivat : et quæ per fragilitátem humánæ conversatiónis peccáta commísit, tu vénia misericordíssimæ pietátis absérge. Per Christum Dóminum nostrum. **R.** Amen.

Bitus Absolut. Apostol. in articulo mortis

A SACERDOTIBUS AD ID DELEGATIS IMPERTIENDÆ.

V. Adjutórium nostrum in nómine Dómini. **R.** Qui fecit cœlum et terram.

Añã. Ne reminiscáris Dómine delícta fámulí tui (vel ancillæ tuæ), neque vindíctam sumas de peccátis ejus.

Kyrie eléison. Christe eléison. Kyrie eléison.

Pater noster.

V. Et ne nos indúcas in tentatióem. **R.** Sed libera nos a malo.

V. Salvum fac servum tuum (vel ancillam tuam. et sic deinceps). **R.** Deus meus sperántem in te.

V. Dómine exáudi oratióem meam. **R.** Et clamor meus ad te véniat.

V. Dóminus vobíscum. **R.** Et cum spírítu tuo.

Orémus.

Clementíssime Deus, Pater misericordiárum, et Deus totiús consolatiónis, qui néminem vis perire in te credéntem, atque sperántem : secundum multitudínem miserationum tuárum respice propítius fámulum tuum **N.** quem tibi vera fides et spes cristiána comméndant. Vísitã eum in salutári tuo, et per Unigéniti tui passióem et mortem ómnium ei delictórum suórum remissionem et véniam cleméter indúlge, ut ejus ánima in hora éxitus sui te júdicem propitiátum invéniat, et in sanguíne ejúsdem Fílii tui ab omni mácula ablúta, transíre ad vitam mereá-

tur perpétuam. Per eúdem Christum Dóminum nostrum. Amen.

Tum dicto ab uno e clericis astantibus Confíteor. Sacerdos dicat. Misereátur. **deinde.**

Dominus noster Jesus Christus Fílius Dei vivi, qui beáto Petro Apóstolo suo dedit potestátem ligándi atque solvéndi, per suam piíssimam misericórdiam recipiat confessiόem tuam, et restítuat tibi stolam primam, quam in baptísmate recepisti : et ego facultáte mihi ab apostólica sede tribúta, indulgéntiam plenáriam, et remissionem ómnium peccatórum tibi concédo. In nómine Patris **✠** et Fílii, et Spírítus sancti. Amen. Per sacrosáncta humánæ reparatiónis mystéria remíttat tibi omnipotens

Deus omnes præsentis et futúre vitæ penas, paradísi portas apériat, et ad gáudia sempitérna perdúcat. Amen.

Benedícat te omnipotens Deus, Pater **✠**, et Fílius, et Spírítus sanctus. Amen.

Si vero infirmus sit adeo morti proximus, ut neque Confessionis generalis faciendæ, neque præmissarum precum recitandarum suppetat tempus, statim Sacerdos Benedictiōem ei impertiatur, dicendo : Dóminus noster, **ut supra.**

Et si mors proxime urgeat, dicat :

Indulgéntiam plenáriam et remissionem ómnium peccatórum tibi concédo, in nómine Patris **✠**, et Fílii, et Spírítus sancti. Amen.

Benedictio Mensæ.

ANTE PRANDIUM.

Sacerdos benedicturus mensam incipit.

Benedícite, et alii **repetunt** Benedícite. **Deinde dicit** **V.**

Oculi ómnium. **et alii prosequuntur.** In te sperant Dómine, et tu das escam

illórum in témpore opportúno. Aperis tu manum tuam, et imples omne animal benedictiōe.

Glória Patri, etc. Sicut erat, etc.

Kyrie eléison. Christe eléison. Kyrie eléison.

Pater noster. **secreto.**

℣. Et ne nos indúcas in tentatiónem. ℞. Sed líbera nos a malo.

Postea Sacerdos dicit.
Orémus.

Benedic Dómine nos et hæc tua dona, quæ de tua largitate sumus sumpturi. Per Christum Dóminum nostrum. ℞. Amen.

Deinde Lector. Jube domne benedícere.

Benedictio. Mensæ cœlestis partícipes fáciat nos Rex æternæ glóriæ.

℞. Amen.

POST PRANDIUM.

Aguntur gratiæ hoc modo.

Dicto a Lectore. Tu autem Dómine miserére nobis. ℞. Deo grátias. omnes surgunt.

Sacerdos incipit ℣. Confíteántur tibi Dómine ómnia ópera tua. ℞. Et Sancti tui benedícant tibi.

℣. Glória Patri. ℞. Sicut erat.

Postea Sacerdos absolute dicit.

Agimus tibi grátias omnipotens Deus, pro univérsis beneficiis tuis. Qui vivis et regnas in sæcula sæculórum.

℞. Amen.

Deinde alternatim dici-

tur Psalm. Miserére mei Deus. 61. vel

Psalmus cxxij.

Laudáte Dóminum omnes Gentes : * laudáte eum omnes pópuli :

Quóniam confirmáta est super nos misericórdia ejus : * et véritas Dómini manet in ætérnum.

Glória Patri. etc.

Sicut erat. etc.

Kyrie eléison. Christe eléison. Kyrie eléison.

Sacerdos dicit. Pater noster. secreto.

℣. Et ne nos indúcas in tentatiónem. ℞. Sed líbera nos a malo.

℣. Dispérsit, dedit pauperibus. ℞. Justítia ejus manet in sæculum sæculi.

℣. Benedícam Dóminum in omni témpore. ℞. Semper laus ejus in ore meo.

℣. In Dómino laudábitur ánima mea. ℞. Audiant mansuétí, et læténtur.

℣. Magnificáte Dóminum mecum. ℞. Et exaltémus nomen ejus in idípsum.

℣. Sit nomen Dómini benedíctum. ℞. Ex hoc nunc et usque in sæculum.

Deinde sine Orémus.

Retribúere dignáre Dómine ómnibus nobis bona faciéntibus propter nomen tuum vitam ætérnam. ℞. Amen.

℣. Benedicámus Dómino. ℞. Deo grátias.

℣. Fidélium ánimæ per misericórdiam Dei requiéscant in pace. ℞. Amen.

Pater noster. secreto.

Quo finito, dicit Sacerdos. Deus det nobis suam pacem. ℞. Amen.

ANTE CŒNAM.

Sacerdos benedicturus mensam incipit. Benedícite. et alii repetunt. Benedícite.

Deinde Sacerdos incipit ℣. et alii prosequantur.

Edent páuperes, et saturabúntur, et laudábunt Dóminum, qui requirunt eum : vivent corda eórum in sæculum sæculi.

Glória Patri. Sicut erat.

Kyrie eléison. Christe eléison. Kyrie eléison.

Pater noster. secreto.

℣. Et ne nos indúcas in

tentatiónem. ℞. Sed líbera nos a malo.

Orémus. Benedic Dómine. ut supra in prandio.

Jube domne benedícere.

Bened. Ad cœnam vitæ ætérnæ perdúcat nos Rex ætérnæ glóriæ. ℞. Amen.

IN FINE CŒNÆ.

Dicitur ℣. Memóriam fecit mirabílium suórum miséricors et miserátor Dóminus. ℞. Escam dedit timéntibus se.

Glória Patri. Sicut erat.

Sacerdos dicat.


Benedíctus Deus in donis suis, et sanctus in ómnibus opéribus suis. Qui vivit et regnat in sæcula sæculórum.

℞. Amen.

Deinde alternatim dicitur Ps. Laudáte Dñum. et reliqua ut supra. [268]

Quando semel comeditur, omnia dicuntur ut in cœna.

Prædictus modus benedícendi mensam, et agendi grátias, servatur omni tempore hujus Partis Estivæ.



Clericus in ipso itinere ingressu, si solus fuerit, dicat quæ sequuntur in singulari; si cum sociis, in plurali.

Añã. In viam pacis.

Canticum. Benedictus Dominus Deus Israel. 24.
In fine Glória Patri.

Añã. In viam pacis et prosperitatis dirigat nos omnipotens et misericors Dominus: et Angelus Raphaël comitetur nobiscum in via, ut cum pace, salute, et gaudio revertamur ad propria.

Kyrie eléison. Christe eléison. Kyrie eléison.
Pater noster. **secreto.**

V. Et ne nos inducas in tentationem. **R.** Sed libera nos a malo.

V. Salvos fac servos tuos. **R.** Deus meus sperantes in te.

V. Mitte nobis Domine auxilium de sancto. **R.** Et de Sion tuere nos.

V. Esto nobis Domine turris fortitudinis. **R.** A facie inimici.

V. Nihil proficiat inimicus in nobis. **R.** Et filius iniquitatis non apponat nocere nobis.

V. Benedictus Dominus die quotidie. **R.** Próspe-

rum iter faciat nobis Deus salutarium nostrorum.

V. Vias tuas Domine demonstra nobis. **R.** Et semitas tuas edoce nos.

V. Utinam dirigantur viæ nostræ. **R.** Ad custodiendas justificationes tuas.

V. Erunt prava in directâ. **R.** Et áspera in vias planas.

V. Angelis suis Deus mandavit de te. **R.** Ut custodiant te in omnibus viis tuis.

V. Domine exaudi orationem meam. **R.** Et clamor meus ad te veniat.

V. Dominus vobiscum. **R.** Et cum spiritu tuo.

Orémus.

Deus, qui filios Israel per maris médium sicco vestigio ire fecisti, quique tribus Magis iter ad te stella duce pandisti: tribue nobis quæsumus iter prósperum, tempusque tranquillum: ut Angelo tuo sancto comite, ad eum quo pèrgimus locum, ac demum ad æternæ salutis portum pervenire feliciter valeamus.

Deus, qui Abraham púerum tuum de Ur Chaldæorum eductum per

omnes suæ peregrinationis vias illæsum custodisti: quæsumus, ut nos famulos tuos custodire digneris: esto nobis Domine in procinctu suffragium, in via solatium, in æstu umbraculum, in pluvia et frigore tegumentum, in lassitudine vehiculum, in adversitate præsidium, in lúbrico báculo, in naufragio portus: ut te duce, quo tendimus, prospere perveniamus, et demum incólumes ad propria redeamus.

Ad esto, quæsumus Domine, supplicationibus nostris: et viam famulorum tuorum in salutis

tuæ prosperitate dispone: ut inter omnes viæ et vitæ hujus varietates tuo semper protegámur auxilio.

Præsta, quæsumus omnipotens Deus, ut familia tua per viam salutis incédât, et beati Joánis præcursoris hortamenta sectando, ad eum quem prædixit, secúra perveniat, Dominum nostrum Jesum Christum Filium tuum. Qui tecum vivit et regnat in unitate Spiritus sancti Deus: per omnia sæcula sæculorum.

R. Amen.
V. Procedamus in pace.
R. In nómine Domini. Amen.

